



*Office Of The Prime Minister
Kingdom Of Lesotho*

25th `Mesa, 2021

Phatlalatso ea Litaba

Mafofisa a ntseng a jaloa ka Mohlomphehi Tona-kholo

Ho fihlile tlhokomelong ea Ofisi ea Mohlomphehi Tona-Kholo ka liphatlalatso tsa mafosisa tse bontšang hore Mohlomphehi Tona-Kholo, Dr Moeketsi Majoro o ameha bobolung ba theko ea thepa ea `muso.

Litlaleho tsena li tsoetsoe ke tokomane ea 'muso ea theko ea thepa (purchase order) e bontšang theko ea thepa (antigen test kits) ho e mong oa bahoebi ba Lesotho.

Ka hona re laba-labela ho otlolla lintlha tse latelang;

- Joalokaha naha e kene ntoeng khahlanong le Covid19, e 'ngoe ea thepa e sebelisoang ho etsa litlhahlobo tsa kokoana-hloko ena ke 'antigen test kits' tseo tsona li neng li ntse li rekoa ho bahoebi ba kantle ho naha ho tloha qalong.
- Kamora hore seoa sena se phatlalatsoe e le koluo ngoahola, Lefapha la Naha la Thibelo le Taolo ea Likoluo (DMA) ke lona leo e sa leng le shebane

le toantšo ea seoa sena, ho kenyeletsoa theko ea thepa e thusang ho etsa litlhahlobo, 'me tsena tsohle li etsoa ho ipapisitsoe le molao oa Likoluoa oa 1997.

- Ho etsahalang ke hore makhetlo a mararo, 'antigen test kits' li ne li ntse li rekoa ho lik'hamphani tsa Afrika Boroa.
- Ho tloha qalong, lik'hamphani tsena li ile tsa fanaka 'antigen test kit' tse likete li mashome a mahlano (50,000), lekhetlo La bobeli tsa boela tsa fanaka ka tse likete tse mashome a mahlano (50,000).
- Lekhetlong la boraro, kemoo lik'hamphani tsena li 'nileng tsa fanaka 'antigen test kit' tse likete li lekholo (100,000).
- Kamorao ho mona, ho bile le boikeletso ba hore mosebetsi ona o abeloe lik'hamphani tsa Lesotho e seng tsa Afrika Borwa feela, 'me tender panel ho tsoa Ofising ea Mohlomphehi Tona-Kholo (e seng Mohlomphehi Tona-kholo ka seqo), e ile ea aba mosebetsi ona ho k'hamphani ea **Green Leaves Medical Supplies** bakeng sa ho fa Lekala La bophelo 'antigen test kit' tse likete li lekholo (100 000) e leng se hlahang tokomaneng ena e bitsoang Purchase Order.
- Sena se entsoe ho latetsoe melao ea 'muso ea theko ea thepa.
- Ofisi e hatella hore haho moo Mohlomphehi Tona-kholo, Dr. Majoro a amehang kabong ea mosebetsi o entsoeng ke tender panel, ka hona taba ea hore ke eena ea faneng ka order ena hase nnete, kapa a laela hore ho be joalo.

- Hore ebe tokomaneng ena ho ngotsoe 'PM's offices' haho bolele hore Mohlomphehi Tona-kholo ka seqo ke eena ea abileng mosebetsi kapa ho batla lit'sebetso.

Re phethela kaho qhelela kathoko litlaleho tsena tse bonahalang likhokahanyong tsa sechaba, 'me re ipiletsa ho baetsi ba tsona ho batlisisa litaba e seng ho phatlalatsa mafosisa.

-End-

Bakeng sa leseli le leng, letsetsa;

Mr Buta Moseme

Press Attache to the Prime Minister

59453979/68287855